



DIOCESE OF THE ARMENIAN CHURCH OF AMERICA, 630 SECOND AVENUE, NEW YORK, N. Y. 10016 212 686-0710

Archbishop Torkom Manoogian, Primate

Հ Ա Ղ Ո Ր Դ Ա Գ Ր Ո Ւ Թ Ի Ն
ԱՄԵՐԻԿԱՅԻ ՀԱՅՈՑ ԱՌԱՋՆՈՐԴԱՐԱՆԻ

ՔԱՀԱՆԱՅԱԿԱՆ ՁԵՌՆԱԴՐՈՒԹԻՒՆ ԳԵՅՄՊՐԻՃԻ Ս. ԵՐՐՈՐԴՈՒԹԻՒՆ
ԵԿԵՂԵՑԻՈՑ ՄԷՋ

Ամերիկայի Հայոց Արեւելեան Թեմի Առաջնորդ Գերշ. Տ. Թորգոմ Արք. Մանուկեան, Կիրակի Յունիս 24ին, Գէյմպրիժի Ս. Երրորդութիւն Եկեղեցւոյ մէջ քահանայ ձեռնադրեց Բրշ. Տիգրան Սրկ. Ապտալեանը՝ զայն վերակոչելով Տ. Թաղէոս Քահանայ:

Քահանայական կոչումի արարողութիւնը տեղի ունեցաւ Շաբաթ Յունիս 23ին: Կիրակի օր Ս. Պատարագը մատոյց Առաջնորդ Սրբազան Հայրը եւ կատարեց քահանայական ձեռնադրութիւնը՝ խարտաւիլակութեամբ Ս. Երրորդութիւն Եկեղեցւոյ Հոգեւոր Հովիւ Արժշ. Տ. Մամբրէ Ա. Քհնյ. Գուգուեանի:

Ձեռնադրութենէն ետք նորին Սրբազնութիւնը տուաւ իր խրատականը՝ յայտնելով ուրախութիւնը Հայց. Եկեղեցւոյ, եւ յորդորելով որ նորընծայ Քահանան հաւատարիմ մնայ Թաղէոսի Առաքեալի օրերէն ի վեր հաստատուած Հայց. Եկեղեցւոյ աւանդութեանց, պատմական հոգիին, եւ ըլլայ նուիրեալ սպասաւորը Եկեղեցւոյ եւ Տիրոջ, զոր պիտի ներկայացնէ միշտ եւ ամենուր իբրեւ Եկեղեցական եւ հոգեւոր ղեկավար:

Տ. Թաղէոս Քհնյ. Ապտալեան ծնած է Հոկտեմբեր 26, 1947ին: Ծնողներն են Մանուկ եւ Վիրժինիա Ապտալեան: Փոքր տարիքէն ան յաճախած է Եկեղեցի եւ անդամակցած է Ուղթըրթաունի Ս. Յակոբ Եկեղեցւոյ դպրաց դասին: Կրթութիւնը ստացած է Ուղթըրթաունի Հայ Սքուլին մէջ, եւ տարի մը համալսարան յաճախելէ ետք զինուորագրուած է: Շրջանը աւարտելէ ետք յաճախած է Պէնթի Գոլէճը:

1972 թուականին ան նշանակուած է Ուղթըրթաունի Ս. Յակոբ Եկեղեցւոյ վարչական տնօրէն: 1977ին, որպէս Ս. Ներսէս Վարժարանի ուսանող, յաճախած է Սէյնթ Վլատիմիր դպրեվանքը: Առաջնորդ Սրբազան Հօր կարգադրութեամբ՝ մէկ տարի զացած է Ս. Էջմիածին՝ հետեւելու համար հայազիտական եւ Եկեղեցագիտական նիւթերու: Վերադարձին՝ յաճախած է Յունական դպրեվանքի դասընթացքներուն: 1981ին, Տ. Թորգոմ Արք. Մանուկեանի ձեռամբ, ձեռնադրուած է Սարկաւազ՝ Ուղթըրթաունի Ս. Յակոբ Եկեղեցւոյ մէջ: 1982ին նշանակուած է երիտա-

սարդաց վարիչ Գէյմպրիմի Ս. Երրորդութիւն համայնքի: 1988-84 վարած է նոյն համայնքի Կիրակնօրեայ վարժարանի տեսուչի պաշտօնը: 1988ի ամառը կրօնական արարողութիւններ կատարած է Գէյփ Գատի մէջ, ուր սկսած է կազմակերպուիլ նոր համայնք մը:

Տ. Թաղէոս Քհնյ. Ապտալեան ամուսնացած է նախկին Մարկարէթ Մերանեանի հետ: Ապտալեան ամուլը ունի երկու զաւակներ՝ Տէյվիտ Աւագ, 13 տարեկան, եւ Ալիսիա Անի, 9 տարեկան:

Նորընծայ Տ. Թաղէոս Քահանայ ձեռնադրութենէ ետք քառասունքի շրջանը կ'անցընէ Ուոթըրվիլի Ս. Պետրոս Եկեղեցւոյ Հոգեւոր Հովիւ Արժշ. Տ. Կարէն Ա. Քհնյ. Կտանեանի հսկողութեամբ:

Գերշ. Տ. Թորգոմ Արք. Մանուկեանի կարգադրութեամբ՝ Տ. Թաղէոս Քահանայ պիտի ստանձնէ Կրինֆիլտի Ս. Յովհաննէս Եկեղեցւոյ հովուութեան պաշտօնը:

ԴԻԻԱՆ ԱՌԱՋՆՈՐԴԱՐԱՆԻ